



UGOVOR o javnoj nabavci usluga osiguranja radnika

Ugovorne strane:

KJKP "Sarajevogas" d.o.o. Sarajevo

Ul. Trg Fadile Odžaković Žute br. 4, Sarajevo

Koga zastupa: Direktor Preduzeća, mr. sc. Nihada Glamoč, dipl.ing.maš

(u daljem tekstu: Osiguranik)

i

ASA osiguranje d.d., Sarajevo

Ul. Trg međunarodnog prijateljstva br. 25, 71000 Sarajevo

Koga zastupa: izvršni direktor, Adnan Hodžić

(u daljem tekstu: Osiguravatelj)

Na osnovu **Okvirnog Sporazuma broj 81/15** od **25.03.2019.** godine, a po provedenom otvorenom postupku javne nabavke broj TD-05-12/19, ugovorne strane zaključuju **ugovor broj 1** o nabavci usluga osiguranja uposlenika od posljedica trajnog invaliditeta, smrti od bolesti i smrti od nezgode, prema uslovima iz ponude broj I-2802/19 od 28.02.2019. koja je sastavni dio ovoga ugovora u vidu Obrasca za cijenu ponude - Aneks III.

Sadržaj i vrijednost usluga iz stava 1. ovog člana, Aneks III, priložen je ovom ugovoru i predstavlja njegov sastavni dio.

Član 2.

Ugovorna vrijednost ugovora (godišnja premija za 310 osoba) iznosi 21.018 KM. Premija za jednu osobu je 5,65 KM mjesečno. Osiguravatelj će Osiguraniku dostaviti policu kojom će obuhvatiti 310 osoba. Osobe koje se zaposle u toku osiguranog perioda će biti evidentirane i za iste će važiti ugovoreni uslovi.

Član 3.

Osiguravatelj će premije osiguranja fakturisati jednom mjesečno za naredni mjesec prema spisku (broju) radnika koji je će biti dostavljan za naredni mjesec putem e-maila. Osiguranik je fakturisane premiju dužan platiti u roku od 30 dana računajući od dana ispostavljanja fakture.

Član 4.

Prava i obaveze Osiguranika i Osiguravatelja po ovom ugovoru su detaljno regulisane Opštim i dopunskim uslovima za kolektivno osiguranje osoba dostavljenim uz ponudu.

Član 5.

Osiguravatelj je obavezan isplatiti naknadu odmah po završenom utvrđivanju visine nakanade za posljedice nastale nesretnim slučajem u skladu sa ponudom, Opštim i dopunskim uslovima, a najkasnije u roku 15 (petnaest) dana.

Član 6.

Osiguravatelj i Osiguranik se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom se podrazumijevaju slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju njihovih ugovornih obaveza.



Član 7.

Ugovorne strane su saglasne da Osiguravatelj neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 8.

Na sve odnose i institute koji nisu navedeni u ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 9.

Trajanje ugovora je 12 mjeseci i pokriva period od 01.04.2019.godine do 31.03.2020.godine. Ukoliko Osiguranik ili Osiguravatelj ne budu izvršavali obaveze iz člana 3., 4. i 5. svaka ugovorna strana ima pravo, uz prethodno pismeno upozorenje, raskinuti ugovor i zahtijevati naknadu štete koja je time prouzrokovana.

Član 10.

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Osiguranik zadržava 3 (tri) primjerka, a Osiguravatelj zadržava 2 (dva) primjerka.

Član 11.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za Osiguravatelja


Izvršni direktor, Adnan Hodžić


Broj i datum ugovora, 249/19/1-UD/245/R/245

Za Kupca


Direktor Preduzeća
Mr. sc. Nihada Glamoč, dipl.ing.maš.


Izvršni direktor

Mr. Mehmed Mehović, dipl. oec.

Broj i datum ugovora, 52/19
25-03-2019



KJKP „SARAJEVOGAS“ d.o.o. Sarajevo
Specifikacije

SP OJ04

RB/GOD

TD-05-12/19

BR

01

ANEKS III - OBRAZAC ZA CIJENU PONUDE

NAZIV USLUGE: OSIGURANJE RADNIKA; Naziv ponuđača: ASA osiguranje d.d. Sarajevo Broj ponude: I-2802/19

r/b	Osigurana suma po radniku (u KM)			Ukupno premija za sve uposlenike za dvije godine važenja okvirnog sporazuma $e=(d*24)$
	Mjesečna premija po jednom radniku c	Mjesečna premija za sve radnike $d=(b*c)$	Ukupna cijena bez PDV-a: Popust:	
1.	Osigurana suma u slučaju trajnog invaliditeta 150.000 KM	310	5,65	42.036,00
2.	Osigurana suma u slučaju smrti od bolesti 8.000 KM			
3.	Osigurana suma u slučaju smrti od nezgode 70.000 KM			
Ukupna cijena bez PDV-a:			Ukupna cijena bez PDV-a:	42.036,00
			Popust:	-
Ukupna cijena sa popustom bez PDV-a:			Ukupna cijena sa popustom bez PDV-a:	42.036,00

Napomene:

1. Cijene moraju biti izražene u KM i **zaokružene na dvije decimale**. Za svaku stavku u ponudi mora se navesti cijena.
2. Cijene se iskazuju bez PDV-a i sadrže sve naknade koje ugovorni organ treba platiti ponuđaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

Za ponuđača:

Šef službe za komercijalne poslove
Mirsad Fatić, dipl.oec.

Za KJKP „Sarajevogas“ d.o.o. Sarajevo
Izvršni direktor
Mr. Mehmed Mehović, dipl.oec.